

Tapkuat Tuhaumatyutit Pitquhi



1. Tamna tuhaumatyut atuqtauuyuk tukhigautluniit tamna iniqtiqialik inungmit– tamna “Tukhigaqtuq”- tamna uqallakhimayuk allagiyauniqgaqviupluni inminut. Tamna Inungnut Piyungnautit Havaktia piqaqtitiniq ikayuq-niqmik taphumunga Tukhigaqtumut iniqtiqiyumayumut taphumunga Tuhaumatyut.

Ila apiqutit naniyayut tapkunani Tuhaumatyut titigaqviani tahapkuat:

- Kia piya?
- Qanugiliuqtuq?
- Huli taimailuqa?
- Kiattaug ilihimavauk tamna tautukpaluniit?
- Qanuqtut aktuayauvit?
- Hunamut ihuaqhilaqa?

2. Tamna Tuhaumatyut talvangat tuyutauniaq taphumunga Hivuliqtiyuq tapkununga Nunavut Inungnut Piyungnautit Apiqhuyigalat (NHRT-kut) taphumattauq tuyutiginiaqta taphumunga inungmut (timiuyumutluniit) taphuma Tukhigaqtup uqaqta allaguhuktigiyanut inminut. Tamna inuk (timiuyuquniit) taphuma Tukhigaqtup taiya talvani Tuhaumatyut taiyayuyuk tamna Kiuyuq.

3. Tamna Kiuyuq pilaqmiyuq iniqhiniq titigaqvikiq taiyayuyuk tamna Kiuyut taphumunga Tuhaumatyut. Tamna Inungnut Piyungnautit Havaktia piqaqtitilaq ikayuqtuiniqmik taphumunga Kiuyumik. Tamna Kiuyut iniqat tuyutauyuq talvunga Hivuliqtimut tuyutauplunilu taphumunga Tukhigaqtumut.

4. Tapkuat Apiqhuyigalat talvuna naunaiyainit tapkuninga Tuhaumatyut tamnalulu Kiuyut. Ihumaliuqniaqtut atuqlugit maligait ihuaqhaqhimayut talvani Ilanga 4 tapkunani Piquyat naliaknut kayuhipkaqnianikluniit tamna Tuhaumatyut.

5. Ihumaliuqata kayuhipkaqnianik tapkuat pityuhiit, tapkuat Apiqhuyigalat ikayugahuaqniaqta tapkuat Tukhigaqtuq tamnalulu Kiuyuq pinahuaqniinik ihuaqhautinik apiqhuhimaitumik.

6. Ihuaqhautikhamik pilimaiqata, tapkuat Apiqhuyigalat atuqniat titigaqtauhimayunik piyaqqaqniinik, inungnik apiqhuhiniq tapkuak tamaqmik Tukhigaqtuq tamnalulu Kiuyuq tunihiniaqtitlugit naunaipkutaqnik angiqtitauhimalutik upinaqtumut qaitquilitiklu tautuktiuyunik.

7. Kiguagut nalaqaqhugit naunaipkutauyut tapkuatlu qanigutauyut taphumangat Tukhigaqtuq tamnalulu Kiuyuq, tapkuat Apiqhuyigalat ihumaliuqniat naliaknut tamna Tukhigaqtuq allagiyaahimayanganiq piyaahimania tamnalulu, taimainniqat, qanugiliuq-tukhauyanginik ihuaqhianianik tamna qanugityutauyuq.

Tamna Tuhaumatyut tuniayaulaq uqauhigilugu tapkununga Inungnut Piyungnautit Havaktia tapkunungalu kitunutiqaq naliatnik ilangat tapkuat 4 atuqqaqpiqtut uqauhiit.

PITTAILIT HUNANUT TAMNALUNIIT INMIMUT QANUGITNIIT PIHIMAYUT MALIKHUGIT TAPKUAT PIQUYAT

- Humingaqliq
 - Taqhaq
 - Hivuligiyat
- Inuuniq Humiutauniq
 - Nunaligiyauyaq
 - Humingaqhimaniiq
 - Taittagaq
 - Ukpigiyaq
 - Ukiunga
 - Inuttiaqlukniq
- Aqnauniq Angutauniq
 - Aipagumahugukniq
 - Aipaqaqniq
 - Ilagiit Qanugitnia
 - Hingainiq
 - Nakuamut Maniktat
- Ahivaqni Ahiguiniq Maligaqnik

Tahapkunani Pityutauninut tapkuat :

Havaktuq Havakhaqhiuqtuquniit

Ilauliqniq Timiuyumut Katimayuvikmutluniit

Qiniqtuq Hunanik, Kivgaqtuutunik, Hanalgutauyut Kanturagutitluniit

Atuqtauqtuq Iglumik, Igluanguyunik Havakvikmiluniit Inigiyauyuq

Hanayauhimanii tahapkuatut Makpigat, Tuhagakhaliat,

Naunaipkutat Taiguagutluniit

Piniaqniqtaqta tapkunani kingulikni 2 ukiuni.